





# LETTRE

DE MONSEIGNEVR

DE NEVERS PRESEN-

tée au Roy, étant en son

Conseil le 6. Aoust,

1588.

M. D. LXXXVIII.

THE NEWBERRY  
LIBRARY

(230)


F

39

.326

1588m

**C**ATHOLIQUE lecteur m'ayant esté communiqué la coppie d'une lettre que MONSIEUR DE NEVERS, à adressée au Roy & à esté lëue publiquement en son Conseil à Chartres: Il m'a semblé que ce seroit bien fait de la presenter en public, non tant pour donner à cognoistre, l'intention nette & entiere, la bonté, syncerité, & zele de ce bon Prince, à nostre religion Catholique (qui est assez cogneuë & diuulguee par toute la Chrestienté) Comme plustost pour inciter vn chascun de nous tant grands que petits, d'apporter vne pareille affection, employant nos biens & noz vies volontairement comme il fait, pour l'auancement d'icelle, repos de la France & profit du public.



LETTRE DE MONSEI-  
GNEVR DE NEVERS PRE-  
sentee au Roy, Estant en son  
Conseil le 6. Aoust. 1588.

SIRE,

Si ie me suis retenu iusques a present à parler librement, & a m'entremettre pour l'acheminement de l'armee de Poictou (de laquelle il vous auroit pleu me commander d'en prendre la charge) ie vous supplie tres-humblement, de ne trouuer mauuais, & de croire que ie l'ay faict seulement pour n'y veoir les choses bien disposees. Et pour ne donner occasion de penser que ie fusse plustost poussé d'une ambition de la commander que l'affection de vous obeyr. Mais ayāt veu ces iours passez, & specialement ce matin que par faute d'argent elle a esté retenuë a dresser ceste armee comme il appartient: & de mesmes celle pour le d'Aulphiné selon quelle le desire, & là promis par les Articles secrets, & que par telle faute Dieu est

A ij



offencé, vos pauvres subiects Catholiques  
pillez & ruinez, & vostre reputatiō & aucto-  
rité grandemēt interessée & diminuee d'ail-  
leurs, me voyant aussi obligé par le serment  
solennel que i'ay fait & signé d'employer tous  
mes moyens, & ma vie pour l'extirpatiō de  
l'heresie. I'ay estimé ne deuoir plus retarder  
de dire a vostre Majesté ce que me semble  
propre pour l'accomplissement d'une si grā-  
de saincteté & tres-necessaire entreprise a-  
uec asseurāce qu'il luy plaira ( comme ie l'en  
supplie tres-humblement ) de me deschar-  
ger de la conduite de ladicte armee de Poi-  
tou, & la bailler a quelque autre qui sera  
tres-ayse de l'accepter, & qui aura plus de  
santé que ie n'ay pour s'en acquiter comme  
il appartient puis que pour mon regard vo-  
stre seruice n'en sera retardé, estant vostre  
Royaume garny de tant de Princes & d'au-  
tres personnes dignes & capables de telles  
charges qu'elle aura le choix sur plusieurs,  
pour la biē employer, dont ie me vceux pro-  
mettre qu'il luy plaira m'accorder ceste Re-  
queste: Ainsi qu'il luy pleust m'accorder cel-  
le que ie luy feis aux Estats tenuz à Blois l'an  
mil cinq cens septante sept, de ne me vou-  
loir donner charge d'Armee en la guerre

qui se preparoit contre les huguenots, afin d'effacer la calomnie quel'on me dōna lors que la sollicitation & constante poursuite que ie faisois par son commandement, à l'endroit d'aucuns des trois Estats pour les faire ioindre (comme ils feirent) à requerer avec les autres l'entretènement de la seule Religion Catholiques, prouenoit du desir que i'auois de mettre vostre Majesté, à la guerre en esperance d'auoir la charge de quelque armee dequoy i'estime qu'elle s'en peut resouuenir cōme aussi qu'il luy pleust trouuer bon de reprendre (à l'occasion de telle Requête) le pouuoir qu'elle m'enuoya à Neuers apres la prise que feist feu Monsieur de la Charité estant de retour près vostre Majesté. Je supplie tres-humblement vostre Majesté de croire que telle Requête ne prouient pour vouloir espargner ma vie ny rechercher le repos ny de crainte que i'aye de ne rien faire de bon audit pays de Poictou, à cause que la saison de l'esté est tantost passée: N'y aussi peu pour ne desirer l'entiere extirpation des heretiques & encores moins pour ne vouloir employer tous mes moyens en ceste occasion si sainte & iuste. Mais seulement pour destourner les

mesdisans de blasmer ma bonne intention & de conuertir le zele que i'ay à l'accroissement de l'honneur de Dieu, & l'affection a vostre seruice à mon seul particulier interest. En ceste attente donc SIRE, Je luy diray que voyant l'obligation en laquelle vostre Majesté est mise par les Articles susdites d'enuoyer deux fortes Armees, l'une en d'Aulphiné & l'autre en Poictou, & comme iusques à present elle a trauaillé pour les dresser & faire marcher ou il appartenoit (mais en vain) faute de moyës & d'estre secouruë par nous tous au mespris de la promesse qu'auons iuree & Signee d'employer non seulement nos moyens : mais aussi nos vies sous vostre auctorité pour l'extirpation de l'heresie, & que par tel manquemēt il fut auant hier donné aduis à vostre Majesté, de retrancher les forcēs quelle auoit destinees pour le Poictou : Au lieu de les augmenter comme il me semble deuoir estre fait, pourtant plustost accabler les heretiques ses rebelles ennemis de Dieu & de vostre Courōne & d'ailleurs que par telle faute l'equipage necessaire pour dresser ladicte armee demeuré en arriere sans aucun commencement, qui fait ce pendant couler ce



peu de belle saison qui reste de ceste année  
 & donne liberté au Roy de Navarre, & aux  
 huguenots de faire progrez & actes d'hosti-  
 lité contre vostre auctorité, & au domma-  
 ge de vos bons subiects Catholiques pour  
 n'y auoir personne qui les deffende comme  
 ils s'y attendent par les promesses que vostre  
 Majesté a faiçtes, par tant d'Edicts si solen-  
 nellement publiez, & particulierement, par  
 ce dernier qui ameneroit vn très-grād blas-  
 me à vostre Majesté, n'en voyant reussir les  
 effects. Me pouuant le monde croire que tel  
 retardement prouenuë de faute d'argent,  
 mais bien de sa propre volonté, & du desir  
 qu'elle auroit eu despargner les huguenots  
 pour paruenir en fin à vne paix generale.  
 A quoy ils feroient acheminez de le dire &  
 le croire par l'argument qu'ils feroient de  
 n'estre vray-semblable qu'elle se feust obli-  
 gee d'enuoyer lesdictes deux fortes armées  
 esdictes deux Prouinces, si quant & quant  
 elle n'eust congneu d'auoir le moyen de ce  
 faire. Tellement que du bon zele que vo-  
 stre Majesté a tesmoigné a toute la Chieftié-  
 té, non seulement en ceste Reunion : Mais  
 durant l'hyuer dernier par deux signalez  
 actions d'auoir a l'extirpation de l'heresie,

elle en seroit grandement blasmee non par  
 sa coulpe, mais par faute d'estre secouruë  
 par tous les zellez Catholiques & affectiō-  
 nez subiects de vostre Majesté, comme nous  
 y sommes obligez. Ce que de mapart SIRE,  
 ne voulant permettre qu'aduienne par ma  
 faute : ains desirant que vostre Majesté ayt  
 le moyen de restablir l'honneur de Dieu, &  
 l'obeyssance qui vous est deuë par tout vo-  
 stre Royaume, & quant & quant de donner  
 le soulagement & repos necessaire à tous  
 vos bons subiects Catholiques. Je promets  
 & m'oblige en vertu du serment que i'ay fait  
 & Signé d'assister vostre Majesté trois ans  
 continuels avec cent Gentils-hommes à  
 cheual armez, lesquels ie payeray de mes  
 propres moyens, & en outre de m'employer  
 priuement & sans aucun commandement  
 a seruir vostre dicte Majesté, pres d'elle en  
 son Camp & Armee, ou bien pres de tel au-  
 tre son Lieutenant General, qu'il luy plaira  
 de me commander sans aucune exception  
 de personne durant lesdicts trois annees &  
 plus long temps sil plaira à Dieu de me lais-  
 ser d'auantage en ce mōde, par ce que SIRE,  
 ie n'ay moins de zele & d'affection de finir  
 mes iours en ceste occasion si saincte & si  
 iuste,

iuste, qu'ont eu les Prelats, Princes & autres qui se sont si dignement & priuément employez en la sainte guerre contre les Albigeois sans aucune ambition d'estre chef, & commander a ladicte Armee, particulièrement les Ducs de Bourgogne & Comte de NEVERS qui refuserent le commandement d'icelle. Ainsi que l'histoire en fait ample foy. Ie recognois bien SIRE, que tel secours de cent cheuaux n'est pas suffisant en foy pour ruyner tous les huguenots. Mais aussi ie ne l'estime pas si petit que si à mon exemple tant de personages faisans profession d'embrasser ce qui concerne l'honneur de Dieu & vostre seruice, Côme aussi les habitans des bonnes villes de vostre Royaume, qui sont remplis de pareil zele Catholique, & d'affectiō en vostre endroit, voudront donner secours a vostre Majesté, à legal de celuy que ie luy offre selonc mesmes que par deuoir naturel nous y sommes tous tenuz, & que de rechef nous nous y sommes obligez par ceste Vnion que vostre Majesté n'ayt bien largement le moyen de faire deux bonnes & fortes armées, pour renuerfer, fouller aux pieds & aneātir ceste vermine heretique. Et afin que vostre Ma-



jesté se puisse asseurer de l'effect de ma promesse pour vne annee entiere. Je luy mets en main vne obligation du sieur Federic Cuzano banquier, à Milan, de la somme de 45497 escus pistolets qu'il me doit faire payer à Lyō, à ceste foire d'Aoust pour partie du supplément du partage que me doit Mōsieur le Duc de Māthouē mon Nepueu, afin que si ie faillis dans six sepmaines apres que vostre Majesté m'aura donné le rendez vous, d'y faire trouuer les susdicts cent cheuaux, qu'elle puisse se seruir dudit argent pour payer autres cent cheuaux qui se trouueront, qui est ce me semble SIRE, le vray & asseuré moyen que nous tous deuons tenir en vostre endroit, afin qu'elle puisse faire vn fondement certain & asseuré pour dresser lesdites deux Armees & auoir dequoy les entretenir pour exterminer l'heresie & ne tomber en l'inconuenient que Symon de Mont-fort Chef de l'Armee cōtre les Albigeois se trouua reduit par plusieurs fois d'estre contraint de leuer le Siege de deuant quelques villes par faute de secours, parce qu'il ne pouuoit faire estat certain d'aucunes forces que de celles qui iournellement luy suruenoient par la deuotion



des pelerins qui s'estoient croisez, dont quelquefois il se trouueroit fort bien ac-  
côpagné, & tost apres tout seul, ce qui n'est  
pas raisonnable ny expedient qu'aduienne,  
a pas vne de vos armées comme il ne faut  
douter qu'il n'adiendra point si chascun  
de nous marche avec l'ame enflammée  
d'acquiescer la gloire éternelle. Et l'esprit es-  
loigné de toute sorte d'ambition & intérêt  
particulier cōme nous y sommes tenus, &  
particulieremēt en ceste si honorable sain-  
cte & tres-necessaire entreprise. Et afin S r-  
R E, d'enflammer d'autant plus le cœur & le  
courage d'un chascun, à mettre à effet ceste  
tant louable vnion, ie serois d'aduis qu'il  
pleust à vostre Majesté d'obtenir de no-  
stre saint Pere le Pape vne indulgence  
en forme de croysade pour ceux qui viue-  
ment s'employeront, soit de leur moyens  
ou de leurs personnes en ceste guerre sain-  
cte, à l'exemple de celle qui fut faite du  
tēps desdits Albigeois, de laquelle croysade  
& entreprise vostre Majesté seroit le chef,  
comme fut de celle la ledict Simon de  
Mont-fort. Chose que j'estime induire tout  
homme ou femme : Ayant tant soit peu  
l'honneur de Dieu en recommandation plus.

que son particulier interest', à contribuer bien largement aux fraiz de cesteguerre, pour rendre à Dieu ce qui est à luy, & se redimer & leurs enfans de ceste peste d'heresie, & de la crainte d'estre tyrannisez par aucun heretique. En ce faisant, Sire, non seulement vostre Majesté ne diminuera ses forces contre les huguenots, comme i'ay craint qu'elle fust contrainte de faire en licentiant les 4000. Suysses qu'elle à & partie des 12. Compagnies de gens-d'armes qu'elle à faiçt estât pour lediçt Poitou. Mais elle les pourra grandement augmêter, en sorte que i'espere moyennant l'assistance de Dieu accompagnant l'affection que vostre Majesté porte à vne si saincte entreprise que dans deux ou trois ans ou plustard elle aura desniché tous les huguenots & rebelles de son Royaume, qui est ce que ie desire le plus de voir en ce monde: & qui me fera mourir content. Dont si l'on à pensé que ie fusse vn peu mary auant hier comme à la verité ie l'estois, de voir faire vne resolution si contraire à mon desir, & à la promesse que vostre Majesté à faitte & qui portoit vn si grand preiudice à sa reputation, & au bien de ses subjects. Le la sup-

plie tres-humblement de croire que cela ne  
 prouenoit de regret que i'eusse pour mon  
 particulier de voir retrancher lesdictes for-  
 ces pour n'auoir iamais recherché ny de-  
 mandé, ny fait estat iusques à present de  
 la conduicte de ladicte armée, ainsi que l'on  
 peut facilement iuger par la tres-humble  
 requeste que ie fais maintenant à vostre  
 Majesté de m'en descharger & non pas de  
 m'exēpter d'ēployer ma personne iusques  
 à la derniere heure de mes iours avec lesdits  
 cent gentils-hommes. Si vostre Majesté  
 ne se contente de ladicte offre, & qu'elle  
 desire d'estre d'auantage secourüe de mes  
 moyens. Je la supplie tres-humblement de  
 croire qu'en me le declarant, ie suis prest  
 d'obeir & seruir de tous mes biens & de ma  
 propre vie, aussi librement & promptemēt  
 que ie le vous ay promis & signé de ma main  
 & en ceste volonté ie finiray la presente en  
 suppliant le Createur vous donner,

S I R E tel ayde & assistance qui vous  
 est necessaire pour l'accomplisse-  
 ment d'une si bonne & si sainte en-  
 treprise, de Chartres ce 6. Aoust.  
 1588.

F I N.





